

मार्निंग डोगरी न्यूज़ बुलेटिन, समें. 09-20 Hrs

## Headlines

1. लोकसभा चुनावं दे पैहले गेड़ तैहत अज्ज मुख् दिएं 102 लोकसभा सीटें लेई वोट पाए जा'रदे न। गृहमंत्री अमित शाह होरें आक्खेआ ऐ जे इक सुरक्षत विकसित ते आत्म निर्भर भारत बनाने लेई हर इक वोट मायने रखदा ऐ।
2. लोकसभा चुनावं दे पैहले गेड़ तैहत अज्ज जम्मू कश्मीर दे उधमपुर संसदी हल्के च बी मतदान होआ करदा ऐ।
3. प्रधानमंत्री नरेन्द्र मोदी ते मुख् चुनावं आयुक्त राजीव कुमार होरें लोकें गी अपील कीती ऐ जे ओह रिकार्ड गिनतरी च मतदान करन।
4. घाटी च लोकसभा चुनावं गी रमानदारी आले ढंगै सिर करोआने लेई वरिष्ठ सुरक्षा अधिकारिएं दी जायजा बैठक दरान आतंकवाद-रोधी अभियानें च तेजी आहनने दा फ़ैसला लैता गेआ ऐ।

<><><><><><><>

## Election In India

लोकसभा चुनावं दे पैहले गेड़ लेई मतदान शुरू होई गेआ ऐ। इस गेड़ च 17 राज्यें ते 4 केन्द्र शासत प्रदेशों दे 102 सीटें लेई वोट पाए जा'रदे न। भारती जनता पार्टी दे वरिष्ठ नेता ते केन्द्री मंत्री नितिन गडकरी, सर्वानंद सोनोवाल, किरण रिजिजू, डॉ. जितेन्द्र सिंह, भूपेन्द्र यादव हुंद अलावा कांग्रेस दे नेता गौरव गोगाई, डीएमके दी कनीमोजी ते तमिलनाडू दे बीजेपी प्रमुख् के.अन्नामलाई शामिल न। गृहमंत्री अमित शाह होरें लोकें गी पैहले गेड़ दे चुनावं च बधी-चढ़ियै मतदान करने दी अपील करदे होई आक्खेआ ऐ जे इक सुरक्षत, विकसित ते आत्म निर्भर भारत बनाने लेई हर इक वोट दी ताकत मायने रखदी ऐ। उनें आक्खेआ ऐ जे अज्जै दा ध्याड़ा बड़ा महत्वपूर्ण ऐ की जे अज्ज लोकसभा चुनावं दे पैहले गेड़ तैहत वोट पाए जा'रदे न ते लोकें गी लोड़चदा ऐ जे ओह बधी चढ़ियै मतदान करन।

<><><><><><><>

## Lok Sabha Election

लोकसभा चुनावं दे पैहले गेड़ तैहत्त अज्ज उधमपुर संसदी हल्के च वोट पाए जा'रदे न। इस हल्के तैहत्त कुल 16 लक्ख 23 ज्हार योग्य मतदाता न जिंदे च 8 लक्ख 45 ज्हार मर्द ते 7 लक्ख 77 ज्हार महिला मतदाता न। इनें मतदाताएं च 23 ज्हार 637 दिव्यांग मतदाता न ते 403 मतदाता नेह च जिंदी उमर 100 ब'रें शा बद्ध ऐ। इस हल्के तैहत्त कुल 5 जिले औंदे न जिंदे च कठुआ, उधमपुर, किशतवाड़, डोडा ते रामबन शामिल न। इस हल्के लेई 2 ज्हारर 637 मतदान केन्द्र, बनाए गेदे न ते 4 ज्हार शा मते कर्मिएं गी चुनावी ड्यूटी लेई तैनात कीता गेदा ऐ। मतदान अज्ज बडलै 7 बजे शा शुरू होई गेदा ऐ ते एह संजा 6 बजे तगर चलोग। सरबंधत बीएलओ आस्सेआ संचालित इक बाद्धू वोटर हैल्पडैस्क बी होग जेहड़ा लोड़मंदें गी जरूरी मदाद उपलब्ध करोआग। मतदाता फोटू शिनाख्ती कार्ड दे अलावा होर 12 किस्मै दे दस्तावेज अपनी शिनाख्त लेई मतदान गित्तै लेइयै जाई सकदे न। इंदे च आधार कार्ड, एमजी-नरेगा जॉब कार्ड, बैंक ते डाकखाने दी पासबुक, श्रम मंत्रालय आस्सेआ जारी सेहत बीमा स्मार्ट कार्ड, ड्राइविंग लसैंस, पैन कार्ड, एनपीआर तैहत्त आरजीआई पास्सेआ जारी स्मार्ट कार्ड, पासपोर्ट, फोटू लग्गे दा पेंशन दस्तावेज, फोटू लग्गे दा सेवा शिनाख्ती कार्ड, सरकारी शिनाख्ती कार्ड ते दिव्यांगता शिनाख्ती कार्ड बगैरा शामिल न।

<><><><><><>

## Polling Begins

बरखा दे बावजूद अज्ज उधमपुर संसदी हल्के च लोकसभा चुनावं दे पैहले गेड़ तैहत्त मतदान होआ करदा ऐ। इस सीट लेई कुल 12 मेदवार चुनावं मैदान च खड़ोते दे न जिंदे च केन्द्र मंत्री डॉ. जितेन्द्र सिंह बी शामिल न, जेहड़े एहदे शा पैहले 2014 ते 2019 च इस्सै सीट परा जित्त हासल करी चुके दे न। बीजेपी नै डॉ. सिंह होरें गी लगातार त्रीह बारी चुनावं मैदान च तोआरे दा ऐ। 5 अगस्त 2019 गी जम्मू कश्मीर थमां दफा-370 हटाने ते उसी केन्द्र शासत प्रदेश बनाने दे बाद एह इत्थें पैहला बडडा चुनावी मकाबला ऐ। डॉ. सिंह हुंदे खलाफ कांग्रेस पार्टी नै दऊं बारी सांसद रेई चुके दे चौधरी लाल सिंह होरें गी ते डैमोक्रेटिव प्रोग्रेसिव आजाद पार्टी नै जी.एम.सरूरी होरें गी चुनावं मैदान च तोआरे दा ऐ। 6 आजाद मेदवार बी इस सीट लेई चुनावं लड़ा करदे न।

<><><><><><>

## Live Kathua

तोआई बन्ने कन्नै लगदे कठुआ जिले च बी मतदान पूरी चाल्ली रमानदारी ते बवस्था आले ढंगै सिर जारी ऐ। जिले च 31 मतदान केन्द्र अंतर्राष्ट्रीय बन्ने कश न ते उत्थें सुरक्षा सनें होर सब्बै लोड़चदे इंतजाम करी रखे गेदे न। मतदान दी प्रक्रिया गी पूरी चाल्ली सुरक्षत ढंगै नै तोड़ चाढ़ने लेई पुलस ते सीआरपीएफ दे कर्मि तैनात न। ताजा जानकारी लेई आओ चलने आं अपने जिला संवाददाता प्रदीप कुमार कश जेहड़े इसलै फोन पर साढ़े कन्नै न।

## Live Action With PTC

कठुआ जिले दा काफी सारा हिस्सा अंतर्राष्ट्रीय बन्ने कन्नै बी लगदा ऐ ते बन्ने कन्नै लगदे इलाके च लोकें दा जोश कैसा ऐ?

<><><><><><>

## Live Voting Report Udhampur

कठुआ-उधमपुर-डोडा लोकसभा सीट लेई मतदान दा कम्म पूरी चाल्ली रमानदारी ते बवस्था आले ढंगै सिर जारी ऐ। पूरे उधमपुर जिले च मतदान बडलै 7 बजे शुरू होई गोआ हा। मतदान केन्द्रें पर बडलै सवेले दा गै लोकें दा किअ्ठा होना शुरू होई गेदा हा। उधमपुर थमां साढ़े जिला संवाददाता अचिन दूबे फोन लाइन पर न। उंदे नै गल्ल करने आं। जी अचिन.....?

तुस इसलै कुत्थें ते केहड़े पोलिंग बूथ पर ओ ते मतदान दा कम्म किस चाल्ली कन्ने चलै करदा ऐ।

अचिन जम्मू च ते अज्ज बडलै थमां गै रूकी रूकी बरखा होआ करदी ऐ, उत्थें कनेआ मौसम ऐ ते मौसम दे लिहाज कन्नै लोकें दा उत्साह किस चाल्ली दा ऐ।

<><><><><><>

## CEC

मुख्य निर्वाचन आयुक्त राजीव कुमार होरें आक्खेआ ऐ जे अज्ज मतदान दा ध्याड़ा ऐ। चुनां पूरी चाल्ली रमानदारी ते बवस्था आले ढंगै सिर करोआने लेई सुरक्षा ते होर दुए सब्बे इजलास कीते गेदे न। हुन शड़ा लोकें गी वोट पाने लेई अगगे औना ऐ। उनें आक्खेआ जे पैहले गेड़ दे मतदान लेई 16 करोड़ कोला मते मतदाताएं लेई मतदान पर्ची जारी बी करी दित्ती गेदी ऐ ते मतदान केन्द्र मतदाताएं दे सुआगत लेई तैआर न।

<><><><><><>

## PM-Vote

प्रधानमंत्री नरेन्द्र मोदी होरें अज्ज थमां शुरू होआ'रदे लोकसभा चुनां च रिकार्ड गिनतरी च वोट पाने दे अपने अधिकार दा इस्तेमाल करने दा आग्रह कीता ऐ। इक सोशल मीडिया पोस्ट च मोदी होरें युवा ते पैहली बारी वोट पाने आले मतदाताएं गी बधी चढियै मतदान करने दा आह्वान कीता ऐ। उनें गलाया जे खासकर हर वोट मायने रखदा ऐ ते हर अवाज मायने रखदी ऐ।

<><><><><><>

## Security Review

कश्मीर घाटी च लोकसभा चुनां पूरी चाल्ली सुरक्षत ते रमानदारी आले ढंगै सिर करोआना जकीनी बनाने लेई कल लगी दी वरिष्ठ सुरक्षा अधिकारिणं दी इक जायजा बैठक च सुरक्षा बंदोबस्त होर निग्गर बनाने ते आतंकवाद रोधी कारवाई लेई पूरी तैआरी रखने दा फ़ैसला लैता गेआ। आईजीपी कश्मीर जोन बी.के.बिरदी हुंदी अध्यक्षता च लगी दी इस बैठक च कश्मीर घाटी च चुनां प्रक्रिया गी पूरी चाल्ली रमानदारी, सुरक्षत ते बवस्था आले ढंगै सिर तोड़ चाढ़ने बारे इक रणनीति तैआर कीती गई। जेह्दे च बक्ख-बक्ख सुरक्षा अर्जेसिणं बश्कार नेड़मा तालमेल ते सैहयोग बनाने दा धेइया कीता गेआ।

<><><><><><>